



27 JAN, 2021

Tubuh dana khas bagi tangani isu `miskin pembelajaran`: Madeline

Utusan Borneo Sarawak, Malaysia



Page 1 of 2



MADELINE

Tubuh dana khas bagi tangani isu `miskin pembelajaran`: Madeline

KUCHING: Pesuruhjaya Suruhanjaya Hak Asasi Manusia Malaysia (SUHAKAM) Sarawak Datuk Dr Madeline Berma menyarankan agar dana khas ditubuhkan bagi menangani isu 'miskin pembelajaran' khususnya dalam kalangan kanak-kanak di negara ini ekoran pandemik COVID-19.

Beliau berkata dana khas yang dinamakan 'Dana Menangani Kehilangan Pendidikan' itu dicadang ditubuhkan kerajaan negeri dan kerajaan persekutuan.

"Kajian Bank Dunia menganggarkan kemiskinan pendidikan semakin meningkat akibat pandemik COVID-19," katanya ketika dihubungi semalam sambil menambah, situasi itu berlaku di seluruh dunia dan Malaysia tidak terkecuali.

Beliau memberitahu, tujuan penubuhan dana itu ialah bagi membantu pelajar yang hilang pendidikan disebabkan penutupan sekolah dengan merapatkan lompong pembelajaran.

Menurutnya menerusi bantuan kewangan diberikan di bawah dana khas berkenaan, alat atau peranti digital dan segala keperluan pengajaran dan pembelajaran dapat disediakan lebih-lebih lagi untuk sekolah serta pelajar luar bandar, juga daripada keluarga yang tidak mampu.

"Dana ini juga boleh digu-

nakan bagi membiayai waktu pengajaran dalam bentuk insentif kepada pendidik bagi memenuhi keperluan elajar yang pelbagai mengikut latar belakang.

"Ia juga boleh digunakan bagi membiayai ruang belajar dan perkhidmatan akademik seperti penilaian diagnostik keperluan pelajar, peranti kesalinghubungan bagi pengajaran dan pembelajaran bersemuka serta dalam talian," jelasnya.

Madeline yang juga Felo Akademi Sains Malaysia berkata dana khas itu juga boleh digunakan bagi membantu pertubuhan bukan kerajaan (NGO), ibu bapa serta masyarakat setempat dalam bentuk kewangan supaya kumpulan berkenaan dapat menyokong pendidikan pelajar.

Dalam pada itu beliau berpendapat, kerajaan perlu mengambil kesempatan ini untuk membangunkan sistem pendidikan negara yang lebih berdaya tahan dan mudah mengadaptasi keperluan pelajar.

Beliau menambah, sistem pendidikan negara yang dibangunkan itu juga harus lebih saksama dan inklusif.

"Kerajaan juga perlu melakukan pelaburan yang tinggi dalam teknologi pengajaran dan pembelajaran negara seiring perkembangan situasi semasa," ujarnya.



27 JAN, 2021

Tubuh dana khas bagi tangani isu `miskin pembelajaran`: Madeline

Utusan Borneo Sarawak, Malaysia



SUMMARIES

MADELINE

KUCHING: Pesuruhjaya Suruhanjaya Hak Asasi Manusia Malaysia (SUHAKAM) Sarawak Datuk Dr Madeline Berma menyarankan agar dana khas ditubuhkan bagi menangani isu 'miskin pembelajaran' khasnya dalam kalangan kanak-kanak di negara ini ekoran pandemik COVID-19. Beliau berkata dana khas yang dinamakan 'Dana Menangani Kehilangan Pendidikan' itu dicadang ditubuhkan kerajaan negeri dan kerajaan persekutuan.